



Dr Nûredîn Zaza  
1919 - 1988

# NEWROZ



Osman Sebrî  
1905 - 1993

**Xebat ji bo :** \* Zordarî ji ser gelê me yê Kurd li Sûriyê rabe.  
\* Azadiya demokrat û rêzgirtina mafên mirovan.  
\* Mafên gelê Kurd yên netewî di çarçewa yekîtiya welêt de .

**Ji weşanên Partiya Yekîtiya Demokrat a Kurd li Sûriyê - YEKÎTÎ**  
Email : Newroz95@hotmail.com

Hejmar(73) Nîsan 2007 z~2619 k Buha (15) p.s

## Serfirazî û pêşketin Ji kar û barê we re

*Rêz û silav ji beşdaran re.*

*Ji mîvanên birêz , heval û hogrên hêja û ji birêvebiriya konferansê re .*  
Ji Sûriyê , silavên biratî û hevliyetê ji we hemîyan re hene , bihêviya ku lidarxistina vê konferansê li ser riya xebata dadmend ya gelê me yê kurd li sûriyê bi gaveke erênî û serkeftî be , di xizmet nûjenkirin û danheva kurdên li xerîbiyê de be , di çarçewa rêzagirtina destûr û qanûnên welatên Ewropaî de be .

### **Birayên hêja , hevalên xebatkar!**

Li Sûriyê , ji ber rewşa awarte , di siha siyaseta û desthilatiya tekpartî de , di siha tevdiar û pirojeyên şoven , girtina Keyfî û bêparhêştina gelê me ji hemî mafên wî yên netewî , nemaze mafê bikaranîna zimanê dê , di siha bînpêkirina mafên mirovan , çî kurd çî ereb ... hwd de , ji xebat û liberxwedanê pê ve , tu rê li ber me nîne . Lewre , parta yekîtiya demokrat a kurd weke birekî girîng û bîngê ji tevgera kurd li hundir welêt , di xebata xwe de berdewam e

û her dê bidome û bi xêra siyaseta xwe ya hişmend û pîvayî , parta we bi rûyekî sipî ciyê xwe di nav gel de , li seranserî herêmên kurdî û gelek bajarên sûrî yên mezin girtiye û berfirehtir dibe . Loma jî , erk û stobarên me jî mestir dibin , nemaze di warên lîxwedîderketina li zimanê dê , parastin û nûjenkirina hevbendîya demokrat a kurd li sûriyê û mil li mil li gel Berê demodemoqrata kurd , bona danheva tevgera kurd li welêt bi hêla pêkanîna lidarxistina kongrekî kurdî li Sûriyê .

Li hêla dî bêguman , rol û endametiya parta we li gel partiyên dî ên Ber û Hevbendiyê di piletforma danezanîna şamê – îlan Dîmeşq – de , roj bi roj cîgehê rêzgirtin û egera qelaştina rê li ber danasîna dadmendiya pîrsa kurd li Sûriyê û geşkirina çanda mafên mirovan , demokrasî , wekhevî , tazîkirin û rûreşkirina nijadperestî û sîstema tekpartiyê li Sûriyê .

**R(13)**